

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLjENjE
po zahtjevu privrednog subjekta Mlijekoprodukt d.o.o. Kozarska Dubica
o obavezi podnošenja prijave namjere koncentracije

Sarajevo
Februar, 2008. godine



Broj: 01-01-26-090-1-I/08
Sarajevo: 19.02.2008. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05 i 76/07), a po Zahtjevu privrednog subjekta Mlijekoprodukt d.o.o. Kozarska Dubica, Vrioci b.b., Kozarska Dugbica, zaprimljenog od strane Konkurencijskog vijeća dana 11.02.2008. godine, pod brojem: 01-01-26-090-I/08, Konkurencijsko vijeće, na 61. (šezdeset i prvom) sjednici održanoj dana 19.02.2008. godine, je donijelo

MIŠLJENJE

Privredni subjekat Mlijekoprodukt d.o.o. Kozarska Dubica, Vrioci b.b., Kozarska Dubica (u daljem tekstu: Mlijekoprodukt), podnio je Konkurencijskom vijeću Zahtjev za davanje mišljenja o obavezi podnošenja prijave namjere koncentracije koji je zaprimljen dana 11.02.2008. godine, pod brojem: 01-01-26-090-I/08.

Zahtjevom se traži mišljenje da li se koncentracijom u smislu člana 12. Zakona o konkurenciji, smatra namjeravani prenos udjela od 20% osnovnog kapitala privrednog subjekta Mlijekoprodukt sa sadašnjeg vlasnika privrednog subjekta *Danube Foods d.o.o.* Sarajevo, na privredni subjekat Imlek a.d. Beograd koji već ima 13,29% udjela u osnovnom kapitalu.

U zahtjevu je prikazana sadašnja vlasnička struktura privrednog subjekta Mlijekoprodukt, koju čine sljedeći privredni subjekti: Mljekara a.d. Banja Luka, sa udjelom od 66,71%, *Danube Foods d.o.o.* Sarajevo sa udjelom od 20% i Imlek a.d. Beograd sa udjelom od 13,29%. Nakon namjeravanog prenosa vlasništva, vlasničku strukturu privrednog subjekta Mlijekoprodukt će činiti sljedeći privredni subjekti: Mljekara a.d. Banja Luka, sa udjelom od 66,71% i Imlek a.d. Beograd sa udjelom od 33,29%.

Podnosilac Zahtjeva je ukazao na povezane privredne subjekte koji imaju udio u privrednom subjektu Mlijekoprodukt i koji su kontrolisani od strane jednog privrednog subjekta *Danube Foods BV* Holandija. Prema navedenim podacima, većinski vlasnik privrednog subjekta Mljekara a.d. Banja Luka je privredni subjekat Mljekara a.d. Subotica sa 55,1636% udjela, a čiji je većinski vlasnik privredni subjekat *Danube Foods BV* Holandija sa 67,15645% udjela. Također, privredni subjekat *Danube Foods BV* Holandija je vlasnik 100% udjela u privrednom subjektu *Danube Foods d.o.o.* Sarajevo dok u privrednom subjektu Imlek a.d. Beograd ima vlasnički udio od 77,64883% .

Članom 12. stav (1) Zakona o konkurenciji je propisano da se koncentracijom smatra:

a) spajanje ili pripajanje nezavisnih privrednih subjekata ili dijelova privrednih subjekata;

b) sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata i to:

- (1) sticanje kupovinom većine dionica ili udjela osnovnog kapitala ili
- (2) sticanjem većine prava glasa, ili
- (3) na drugi način u skladu sa odredbama zakona koji regulišu osnivanje privrednih subjekata i njihovo upravljanje;

c) zajedničko ulaganje na dugoročnoj osnovi dva ili više nezavisnih privrednih subjekata koji djeluju kao nezavisan privredni subjekat.

U predmetnom slučaju, privredni subjekt Mljekara a.d. Banja Luka će i nakon sprovođenja namjeravane promjene vlasničke strukture privrednog subjekta Mlijekoprodukt ostati većinski vlasnik iste sa udjelom od 66,71%. Ostala promjena vlasničke strukture kojom bi privredni subjekt Imlek a.d. Beograd stekao 20% vlasničkog udjela od privrednog subjekta *Danube Foods d.o.o.* Sarajevo i ukupno imao 33,29%, ne bi imala uticaja na kontrolu, odnosno dominantni uticaj nad privrednim subjektom Mlijekoprodukt.

Dakle, u predmetnom slučaju radi se o reorganizaciji vlasničke strukture unutar povezanih privrednih subjekata (Grupacija *Danube Foods BV* Holandija) a ne o koncentraciji nezavisnih privrednih subjekata u smislu člana 12. Zakona o konkurenciji.

Ovo mišljenje je dato isključivo na osnovu podataka navedenih u Zahtjevu. Ukoliko dati podaci odstupaju od stvarnog činjeničnog stanja ovo mišljenje se ne može primjeniti.

Predsjednik

Sanja Božić